

Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**

Et In octo Partes ... distincta ...


De Iustitia Et Contractibvs

Vindalium, 1646

Sect. I. Quid sit restitutio.

urn:nbn:de:hbz:466:1-38850

deo ex communi sententia, non opus es-
se ut contractus illi explicitè ineantur,
sed satis esse quòd fiant virtualiter, seu
intentione implicita. Vnde excusantur,
qui hoc modo societatem cum merca-
tore incurrunt: confero centum in societa-
rem, vt salvo capitali, solvas quinque
modo licito: quia scilicet intentio im-
plicita idem operatur quod expressa, vt
aiunt iuristæ.



CAPVT V.

*De obligationibus iustitiae, quoad restitu-
tionem in genere.*

SECTIO I.

Quid sit restitutio.

CONCLVSIONE VNICA.

Restitutio ast actus iustitiae commu-
natiuæ, isque ad salutem necessa-
rius. Antequam hoc probetur, Notan-
dum est, nomen restitutionis sumi dupli-
citer. I. latè pro omni actu quo redditur

DE IUS TITIA. CAP. V. 101
alicui, quod abeo ablatum, vel acceptum
est, siue iure, siue iniuria; quomodo redi-
ditio mutui, pignoris, depositi, &c. actus
restitutionis dici potest. 2. strictè pro eo
solum actu, quo damnum proximo iniu-
stè illatum restauratur; quomodo in hoc
tractatu sumi solet. Hoc posito.

Prior pars Resolutionis positæ proba-
tur ex S. Thoma 2.2. quæst. 62. art. 1
quia in restitutione attenditur æqualitas
iustitiæ, secundum recompensationem rei
ad rem, quod pertinet ad iustitiam com-
mutariam. Nec refert quod dicunt alii
qui, restitutionem quâ iniqua distributio
compensatur, non esse actum iustitiæ cō-
mutatiæ, sed distributionem: hoc enim
falsum esse constat ex responsione ad 3.
quia etiam in tali restitutione, attenditur
æqualitas rei, ad rem iniustè subtraetam.

Posterior pars sumitur ex art. 2. pro-
baturque hac ratione, quia non tantum
qui rem alienam accipit, sed etiam qui
in iusto domino retinet, iustitiæ æqualita-
tem violat. Quare sicut necessarium est
ad salutem abstinere ab acceptance rei alic-
iæ, ita & abstinere ab illius retentione,
quod est eam restituere. Quo refertur
celebre illud dictum August. epist. 54.
ad Macedonium, Non remittitur pecca-
tum nisi restituatur ablatum, si restitui
potest.

102 TRACTATVS

Notandum tamen 1. hæc intelligi de sola necessitate præcepti : si enim agatur de necessitate medij, omnes communiter sentiunt, restitutioem sic non esse ad salutem necessariam: cùm possit homo variis de causis excusari à restituzione facienda, vt infra dicetur, adeoque saluari etsi non restituerit : nec tamen quis saluari possit, eo prætermisso quod est necessarium ad salutem, necessitate medij: vt liquet ex dictis, vbi de sacramentis.

Notandum 2. ex art. 8. in respons. ad 1, præceptum de restituzione facienda, quamuis secundum formam sit affirmatum, implicare tamen in se negatiuum præceptum, quo prohibemur rem alterius retinere. Et ex quæst. 66. art. 3. ad 2. detinere id quod alteri debetur, eandem rationem nocumenti habere, cum acceptance in iusta. Et ideo sub iniusta acceptance intelligi etiam, iniustam detentionem. Vnde collige, præceptum negatiuum de non retinenda re aliena, reduci ad præceptum non furandi.

Quæret hic aliquis, ex cuius virtutis violatione oriatur obligatio restituendi. Respondeo 1. non oriri ex violatione aliarum virtutum, quæ distinguuntur à iustitia: siquidem etsi eiusmodi virtutes violentur, non propterea violatur ius

DE IVSTITIA. CAP. V. 103.

alterius, aut res aliena usurpatur. Vnde ex communis sententia, qui cum deberet ex charitate, proximo indigenti non succurrerit, non tenetur ad restitutionem damni inde sequuti.

Respondeo 2. obligationem illam oriri ex violatione iustitiae commutativa; quia quando iustitia commutativa violatur, semper aliquid detrahitur alteri, quod suum est. Quoties autem id contingit, debet fieri restitutio rei alienae, ut sic constituatur aequalitas iustitiae. Vnde fur tenetur rem furto ablatam restituere, si extat; aur secus, aequivalenter.

Respondeo 3. ex iustitia quoque distributiva oriri obligationem restituendi, quia restitutio tunc facienda est, quandodamnum aliquod alteri iniuste infertur. At damnum iniuste infertur alteri, quando iustitia distributiva violatur, id est, quando bona communia, quae partibus communitatis erant distribuenda, non distribuuntur aequaliter, secundum proportionem geometricam: sic enim edatur minus, cui plus debebatur, seu quius ad maiorem portionem habebat, quod planè iniustum est.

Nec refert, quod bona illa nondum essent in singulos ciues distributa; cum

enim essent ipſi communitati appropria-
ta, eo ipſo ſaltem in confuso, & inde-
terminatè particularibus erant appro-
priata. Quare ſicut diſtrahens, hæreditatē
nondum diuīsam, iniuriam facit
hæredibus, & tenetur ad reſtitutionem;
ita male dipenſans bona communitatis,
quæ in partes illius erant diſtribuenda,
tenetur ex iuſtitia reſtituere, pro rata
danni ſingulis illati. Quanquam eiuf-
modi reſtitutio non eſt actus ipſius iuſti-
tiae diſtributiæ, ſed commutatiæ, ut fu-
pra dictum eſt.

SECTIO II.

*Ex quibus oriatur obligatio reſtituendi,
& qui teneantur reſtituere.*

CONCLVSION I.

Tria ſunt capita, ex quibus oriutur
obligatio reſtituendi. 1. ex re ac-
cepta. 2. ex iniuſta acceptione. 3. ex vtra-
que.) Hoc ita declaratur, obligatio re-
ſtituendi oriutur ex re accepta, quando
quiſ habet rem alienam, quam bona fide
putabat ſuam. Ex iniuſta verò acceptio-
ne, quando quiſ rem alterius, quam am-
plius non habet, via iniuſta ut pore furto,